

ՀՀ Արմավիրի մարզպետ Էդվարդ Հովհաննիսյանի շնորհավորանքը Քրիստոսի հրաշափառ Հարության տոնի առթիվ

09.04.2023

Սիրելի հայրենակիցներ,

Այսօր մեր ժողովուրդն ու մեր եկեղեցին մեծ ոգևորությամբ նշում է հայ ժողովրդի ամենասիրելի տոներից մեկը՝ Քրիստոսի հրաշափառ Հարությունը՝ Սուրբ Զատիկը, որի խորհուրդը ճշմարտության լույսի, խաղաղության ու վերածննդի հաղթանակն է:

Սուրբ Հարության խորհուրդը մշտապես համախմբել է ոչ միայն հայ ժողովուրդին, այլև աշխարհի քրիստոնյաներին՝ ոգևորելով և զորացնելով:

Հայ ժողովրդի համար Սուրբ Զատիկն ավանդաբար դարձել է ընտանեկան տոն, որը աստվածային լույսով և սիրով ողողված՝ համախմբում և ջերմությամբ է լցնում բոլորիս օջախները:

Այս նվիրական տոնի կապակցությամբ՝ հայ ընտանիքներին, աշխարհի որ ծայրում էլ որ լինեն, մաղթում եմ քաջառողջություն, համերաշխություն, ամենայն բարիք և անսասան հավատ, իսկ մեր երկրին՝ որպես առաջինը քրիստոնեությունն ընդունած երկիր, հարատև խաղաղություն:

Թող Քրիստոսի հրաշափառ Հարությունը պարգևի բարօրություն, լավատեսություն, իմաստություն և կամք՝ մեր առջև ծառայա բոլոր դժվարությունները հաղթահարելիս:

ՔՐԻՍՏՈՍ ՀԱՐՅԱՎ Ի ՄԵՌԵԼՈՑ:

ՕՐՀՆՅԱԼ Է ՀԱՐՈՒԹՅՈՒՆԸ ՔՐԻՍՏՈՍԻ: